

清季外交史精

蘭四十九
五
弟二十
五
冊

新學林書局

第一冊
第二冊
第三冊
第四冊
第五冊
第六冊
第七冊
第八冊
第九冊
第十冊

清季外交史料卷四十九

光緒十年九月下至十月上

目錄

使英曾紀澤致總署中法和議是否候英調停電 九月二十七日

直督李鴻章致總署商和議條款電 二十七日

直督李鴻章致樞垣租威利英輪裝勇赴臺電 二十八日

軍機處奏英國調停和議擬改三條摺 二十八日

直督李鴻章奏派德國總兵式百齡帶船援臺摺 附 上諭 二十八日

桂撫潘鼎新奏官軍與法人接仗疊獲大勝摺 附 旨 二十九日

桂撫潘鼎新奏越境法兵竄擾官軍堵剿情形片 附 旨 二十九日

禮部奏朝鮮變更衣冠摺 二十九日

粵督張之洞致樞垣密探閩江法船法兵數目及設法與臺通信電

十月初一日

粵督張之洞致樞垣籌濟臺灣餉械請代奏電附旨初一日

使英曾紀澤致總署中法和議條款先由華譯法文電初二日

使英曾紀澤致總署中國所購火藥不合用請愼之電初二日

閩督楊昌濬等致總署洋將到閩遵諭加意看待電初二日

北洋會辦吳大澂致樞垣擬援臺十策請代奏電初二日

使英曾紀澤致總署英禁助械擬咨囑禁煤並報中法商議條款電

二件初四日

旨飭楊昌濬等斷法接濟及派船繞道援臺電初四日

直督李鴻章致樞垣張佩綸病可否回京乞代奏電初四日

旨寄李鴻章着飭採辦委員慎購軍火抽查試驗電初四日

直督李鴻章致樞垣威利船抵臺電初八日

直督李鴻章致樞垣臺越均戰勝法人電初八日

直督李鴻章致總署英國調停中法未成並法廷堅守原議如不允

仍戰電二件初九日

閩督楊昌濬致總署馬尾失物英領索賠電初十日

使英曾紀澤致總署與法廷磋商和約電初十日

督辦福建軍務左宗棠奏臺北滬尾大戰獲勝現籌規復基隆摺附

旨初十日

粵督張之洞致樞垣法兵船分赴臺越現增兵出關電十一日
旨飭曾紀澤應付和議辦法電十一日

旨賞德總兵式百齡寶星十四日

旨寄劉銘傳臺餉緊急已嚴催趕辦不得飾詞推諉電十六日
粵督張之洞致樞垣購買軍火運滇邊電十七日

直督李鴻章致總署據蔡國楨報劃匯柏林款項電十七日

使英曾紀澤致總署法俟華出償款則退臺北之兵電十八日

直督李鴻章致樞垣桂軍應敵情形電十八日

旨寄張之洞等着接濟鮑超軍火電十八日

粵督張之洞致樞垣鮑軍宜速戰請籌的餉電十九日

直督李鴻章致樞垣龍州官軍戰勝電十九日

滇督岑毓英奏官軍圍攻宣光擊散法援摺附上諭十九日

旨寄曾國荃據奏北洋快船在滬修理着趕修赴閩電二十一日

總署奏招商局售船事宜請飭馬建忠辦理片二十一日

總署奏西班牙博物院請給與中國兵器以資陳列片二十一日

旨寄曾紀澤着應付和議電二十二日

直督李鴻章咨送吳兆有等函稿文附函稿七件二十三

直督李鴻章致總署日本在韓尋衅請派兵船鎮壓電二十三

直督李鴻章致總署韓亂黨劫王殺妃中日已接仗電
附上諭二十四日

使英曾紀澤致總署法不允改約宜力持鎮靜電二十四日

軍機處致黎庶昌密探日人對韓消息電二十四日

直督李鴻章致總署韓亂黨用事恐有挾王叛華之意函

附吳兆有稟二十五日

直督李鴻章致總署日本已電竹添使臣排解韓事電二十六日

直督李鴻章致總署日本尙未添兵我軍行不宜急電附旨二十六日

旨飭徐承祖赴日密探日韓情形電二十六日

清季外交史料卷四十九

男希隱亮編

黃巖弼夫王彥威輯

孫孝章敬立校

使英曾紀澤致總署中法和議是否候英調停電

旨云八條另電似僅七條刻無法官法牘來往是否俟英調停宣旨告
之法不保越即無定界之權兩條似相礙請酌覆九月二十七日

直督李鴻章致總署商和議條款電

今日將八條交巴使轉電英外部並交赫德閱看英國調處中國並無
不願之說全在尊處斟酌操縱在我其第二第三略更字句第二條滇

粵邊外中國駐兵業已多年將來勘定南界由諒山至保勝之南劃一直綫華兵駐守以此爲限第三條綫界之外法越通商聽其自便綫界之內中國擇地設關及一切通商事宜將來派員詳細定議總期於兩國有益

九月二十七日

直督李鴻章致樞垣租威利英輪裝勇赴臺電

江陰援臺銘軍尙未全去鴻與南洋商飭邵道設法據稱威利英輪允裝勇械要先付銀二萬兩作押如不能上岸裝回只付飯錢允照辦儻不能抵臺即改赴廈與彭提督葉文瀾密商賃民船偷渡小口頃電稟威利二十七到營計裝勇八百四十官弁十四是午開輪臺信頗惡此事實冒險寸心懸系恐難辦到只盡心力爲之可否代奏

九月二十八日

軍機處奏英國調停和議擬改三條摺

醇親王奕譞奏據曾紀澤奏所有請英調停八款臣等擬將前三條酌改恭候欽定以便電寄曾紀澤相機行事第一條環球與國只能與越南通商立約不能預其內政朝鮮爲中朝藩屬前年其國內亂中國雖派兵鎮守仍不干預其政今越南之與法國本非屬地嗣後法國在越南通商亦不宜干預其政令至越南照舊貢獻中國法國不得阻止以合至理第二條滇粵邊外中國駐兵業已多年將來勘定南界由諒山至保勝一帶劃一直綫華兵駐守以此爲限第三條綫界之外法越通商聽其自便綫界之內中國擇地設關及一切通商事宜將來派員詳細定議總期於兩國均有裨益謹奏光緒十年九月二十八日

直督李鴻章奏派德國總兵式百齡帶兵援臺摺

附上諭

直隸總督李鴻章奏爲遵旨派船援閩擬令新募德國水師總兵統帶前往襄助事竊奉電旨飭撥北洋兵船赴閩援勦臺灣經臣將撥派超勇揚威兩快船飭令預備煤糧子藥即由旅順口起旋南下入江與南洋所派五船會齊密商相機前進電請總理衙門代奏在案查北洋兵船除鎮東鎮西鎮南鎮北鎮中鎮邊蚊船六隻專備守口威遠普濟兩艘專作弁兵水守練船並無大礮均不便馳逐洋面接仗即超勇揚威快碰船兩號每船雖有二十五噸巨礮二尊而船身過小鐵皮薄僅三四分易爲鐵艦大礮轟破穿沉從前在英廠訂購此船原擬與鐵甲船相輔而行可以巡探接應今德國定購鐵艦旣爲公法所阻急切不能

駛回僅此兩船力量太單斷不足以禦大敵臣因旅順要口令該船駐泊其間與黃金山礮臺水陸相依立脚既穩出入夾擊可期得勁茲臺灣危急奉旨飭催派援明知法艦堅猛而多非中國現有兵船所能敵亦不得不勉強派撥與南洋各船略助聲勢統領水師天津鎮總兵丁汝昌前已奏明督帶蚊快各船扼守旅順與宋慶陸軍協力籌防現撥快船赴閩而蚊練等船必須責令該鎮督率布置旅順爲津沽門戶防務極關重要勢難分身遠去其管帶超勇之儘先副將林泰曾管帶揚威之儘先游擊鄧世昌皆由船政學堂出身嗣又出洋學習熟諳泰西兵船規法操練頗爲整齊第閱歷戰事尙少未可以當一面適有出使大臣李鳳苞遵旨僱募德國水師總兵式百齡改名萬里城到津謁晤

英銳沉鷺謀略甚優同治初年南北花旗之役曾爲美國帶師船打仗據李鳳苞緘稱在德國水師中出色之員久經海上戰陣深堪倚任該員願告奮勇帶兩快船前往並稱法人先後來臺灣洋面者不下三十餘號中國師船單弱又經馬江大挫之後不宜輕試其鋒然亦不可不設法牽制北洋快船二號加以南洋快船三號並另派兩船如果管駕得人同心協力雖不能與法國大幫兵船鏖戰而在閩粵之交相機乘間避實擊虛或可攻奪其單行小號兵船及運兵運煤糧之船察其所言洵屬知彼知己切中機宜臣詢之林泰曾等均願與共事藉得觀摩之益因令該總兵馳赴旅順統帶兩船尅日開駛順過上海修理添煤約須耽擱旬日再會同南洋派出各船相機密速前進惟接福州電報

閩口馬祖澳近日法人又添數船難保不聞信截阻已屬式百齡與林泰曾等隨時確探情形察酌進止臣等均當不爲遙制庶免意外之虞謹奏光緒十年九月二十八日奉旨李鴻章現派德國水師總兵式百齡帶快船赴閩着飭令速往到滬後與南洋所有各船會合前進並着曾國荃楊昌濬飭水師統領與式百齡妥爲聯絡商辦該總兵係客將楊昌濬當加意拊循使之踴躍盡力李鴻章奏將來加倍優賞均依議行福建巡撫着楊昌濬暫行兼署俟海道一通卽移交劉銘傳接任

桂撫潘鼎新奏官軍與法人接仗疊獲大勝摺

附旨

廣西巡撫潘鼎新奏爲官軍連日與法人接仗迭獲大勝事竊臣前將進紮諒山分飭各軍扼紮前敵谷松觀音橋兩路乘時進取以冀會合

滇軍併力夾擊各緣由馳奏在案隨派署廣西提督蘇元春記名提督方友升安義鎮總兵周壽昌各率所部營勇在於谷松觀音橋兩路深溝高壘嚴防以爲老營俟扼紮穩固卽出行隊至船頭屯牙郎甲一帶常川遊擊臣率淮部六營駐防諒山以備兼顧接應蘇元春於八月十一十二兩日探得船頭隔河之陸岸縣上下游一帶分泊大小輪船鬼板數艘兩岸添築礮臺各有法兵百餘看守距下游二十餘里泊有鬼板四隻遂於十三日令總兵陳嘉率撫標左營並鎮南前後左右先鋒等營各出行隊五成由船頭渡河沿山抄出下游伏於河岸令撫標左營先襲礮臺奪其鬼板復率撫標中前後及粵勇由北岸而下行至中途卽留粵勇離陸岸十餘里扼紮以防彼族上竄十四日辰刻至陸岸

縣對河見兩岸礮臺之下泊有鬼板四隻蘇元春隨飭中營管帶遊擊陳桂林率右後中三哨直撲礮臺前左兩營攻擊鬼板又令前後兩營伏於下遊以杜匪船逃竄陳桂林率三哨隊伍力奪礮臺前左兩哨繼至船後彼此鎗礮齊施陳桂林奮身直前被礮傷左手及腹旁穿過軍士奮極一擁而上斬殺殆盡餘匪即棄礮臺回船合力死拒兩時之久法船亦有損壞遂放棹下駛前後兩營各率勇丁自下遊截出以抬鎗快礮連擊該匪逼往上游南岸鬼板亦被我軍轟擊彼族見勢勇猛亦棄礮臺歸船欲與北岸鬼板同遁撫標左營已經奪獲礮臺即以其礮回擊陸岸下游遠泊之鬼板駛來救援被鎮南各營攔頭迎勦該匪拚命直上各船會合分擊兩岸我營以擡鎗快礮併力夾擊當毀鬼板一